



Na osnovu čl. 7. stav (1) i 8. Zakona o ministarskim, vladinim i drugim imenovanjima („Službene novine Federacije BiH“, br. 12/03, 34/03 i 65/13), člana 41. Zakona o elektronskom upravljanju u Kantonu Sarajevo („Službene novine Kantona Sarajevo“, broj 06/25), člana 5. stav (3) Odluke o osnivanju Savjeta za elektronsku upravu („Službene novine Kantona Sarajevo“, br. 18/25 i 20/25), te čl. 3. i 5. Odluke o standardima i kriterijima za imenovanje vanjskih eksperata kao članova Savjeta za elektronsku upravu („Službene novine Kantona Sarajevo“, broj 26/25), Ministarstvo pravde i uprave Kantona Sarajevo objavljuje

JAVNI OGLAS

ZA IMENOVANJE VANJSKIH EKSPERATA KAO ČLANOVA SAVJETA ZA ELEKTRONSKU UPRAVU

I - PREDMET

Objavljuje se Javni oglas za imenovanje dva (2) vanjska eksperta iz oblasti informaciono-komunikacionih tehnologija kao članova Savjeta za elektronsku upravu na mandat od četiri (4) godine.

II – OPIS POZICIJE

Savjet za elektronsku upravu ima savjetodavnu i ekspertsku ulogu u pružanju podrške razvoju i implementaciji elektronske uprave u Kantonu Sarajevo. Vanjski eksperti se imenuju u cilju osiguranja visokog stepena stručnosti u radu Savjeta.

Nadležnost i zadaci Savjeta za elektronsku upravu su:

- praćenje i analiziranje stanja u oblasti elektronske uprave,
- razmatranje stručnih pitanja u oblasti IKT koja se odnose na razvoj elektronske uprave,
- predlaganje aktivnosti i mjera za unapređenje stanja u oblasti elektronske uprave, te njihovo usmjeravanje, koordiniranje i praćenje,
- davanje prethodne saglasnosti na projekte i programe organa javnog sektora, kao i na planirana sredstva za digitalizaciju usluga iz okvira nadležnosti organa javnog sektora,
- pripremanje i podnošenje izvještaja Vladi Kantona Sarajevo (u daljnjem tekstu: Vlada) u skladu sa članom 10. Odluke o osnivanju Savejta za elektronsku upravu,
- učestvovanje u izradi strateških, planskih i programskih dokumenata iz oblasti elektronske uprave, te iniciranje izmjena postojeće zakonske i podzakonske regulative iz oblasti elektronske uprave,
- unapređenje saradnje u oblasti elektronske uprave između organa javnog sektora, jedinica lokalne samouprave, te drugih nadležnih organa i drugih relevantnih subjekata.

III – MANDAT

Članovi Savjeta za elektronsku upravu imenuju se na period od četiri godine.

Članovi Savjeta za elektronsku upravu imaju pravo na naknadu za svoj rad u skladu sa odredbama kantonalnog propisa kojim se uređuje pitanje načina obrazovanja i utvrđivanja visine naknade za rad radnih tijela koje obrazuje Vlada i rukovodioci kantonalnih organa državne službe

IV – USLOVI ZA IZBOR

1. Opći uslovi:

- a) da je državljanin Bosne i Hercegovine;
- b) da je stariji od 18 godina;
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u period od tri godine prije dana objavljivanja upražnjene pozicije;
- d) da se na njega ne odnosi član IX.1. Ustava Bosne i Hercegovine;
- e) da nije pravosnažno osuđivan za krivično djelo;
- f) da nije na funkciji u političkoj stranci;
- g) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) i da nije nosilac javne funkcije u smislu Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22, 44/22 - Ispravka i 52/22 - Ispravka).

2. Posebni uslovi:

- a) da ima visoko obrazovanje najmanje VII stepen stručne spreme, odnosno stečeno akademsko zvanje nakon završenog prvog, drugog ili trećeg ciklusa Bolonjskog sistema studiranja iz oblasti informaciono-komunikacionih tehnologija;
- b) da ima najmanje sedam godina radnog iskustva u struci nakon sticanja visoke stručne spreme, odnosno akademskog zvanja, od čega najmanje tri godine iskustva u radu na poslovima koji uključuju digitalizaciju poslovnih procesa, razvoj elektronske uprave, projektovanje interoperabilnih informacionih sistema, planiranje, upravljanje ili evaluaciju informaciono-komunikacionih projekata, ili razvoj i implementaciju jedinstvenih korisničkih portala i centralnih registara;
- c) da ima iskustvo u radu sa organima uprave i da je upoznat sa procesima javne uprave u Bosni i Hercegovini;
- d) da posjeduju relevantne certifikate koji se odnose na upravljanje projektima iz oblasti informaciono-komunikacionih tehnologija, na standarde i prakse iz oblasti informacionih tehnologija, na informacione sigurnosne sisteme i na metodologije razvoja softvera;
- e) da je autor ili koautor objavljenih stručnih ili naučnih radova iz oblasti elektronske uprave, digitalne transformacije, informaciono-komunikacionih strategija i srodnih oblasti;

V – DOKAZI O ISPUNJAVANJU USLOVA (POTREBNA DOKUMENTACIJA)

Kandidati su dužni uz svojeručno potpisanu prijavu, koja sadrži kraću biografiju, adresu i kontakt telefon, kao dokaz o ispunjavanju općih i posebnih uslova traženih ovim Javnim oglasom, u originalu ili ovjerenoj fotokopiji (ne starije od šest (6) mjeseci od dana objave ovog Javnog oglasa), priložiti sljedeću dokumentaciju:

- 1) Uvjerenje o državljanstvu;
- 2) Diplomu o stečenoj stručnoj spremi visokog obrazovanja;
- 3) Dokaz o radnom iskustvu (potvrda ili uvjerenje poslodavca kod kojeg je kandidat radio ili radi, ili Uvjerenje o činjenicama iz matične evidencije nadležne institucije za penzijsko i invalidsko osiguranje (listing), uz obavezno dostavljanje potvrde koja razjašnjava šifre zanimanja iz uvjerenja (listinga);
- 4) Izjava kandidata da nije osuđivan za krivično djelo (potpisana i ovjerena od strane nadležnog organa);
- 5) izjava kandidata da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u period od tri godine prije dana objavljivanja upražnjene pozicije (potpisana i ovjerena od strane nadležnog organa);
- 6) izjava kandidata da se na njega ne odnosi član IX. 1. Ustava Bosne i Hercegovine (potpisana i ovjerena od strane nadležnog organa);
- 7) izjava kandidata da nije na funkciji u političkoj stranci;
- 8) izjava kandidata da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) i da nije nosilac javne funkcije u smislu Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22, 44/22 - Ispravka i 52/22 - Ispravka) (potpisana i ovjerena od strane nadležnog organa);
- 9) dostaviti uvjerenje ili potvrdu kao dokaz o radnom iskustvu u radu sa organima uprave (poželjno),
- 10) dostaviti relevantne certifikate koji se odnose na upravljanje projektima iz oblasti informaciono-komunikacionih tehnologija, na standarde i prakse iz oblasti informacionih tehnologija, na informacione sigurnosne sisteme i na metodologije razvoja softvera (poželjno).
- 11) Kopije objavljenih radova koji sadrže naziv rada, autora, mjesto i godinu objave ili zvanične potvrde od izdavača ili organizatora stručne konferencije da je rad objavljen uz navođenje svih relevantnih podataka (naslov rada, autori, godina i mjesto objave).

Napomena: Dokaz o ispunjavanju općeg uslova iz tačke e) ovog Javnog oglasa pribavit će organ po službenoj dužnosti.

Ispunjavanje posebnih uslova pod tač. c), d) i e) nije eliminatorno, odnosno kandidati koji ih ne ispunjavaju mogu i dalje učestvovati u konkursnoj proceduri.

V – ROK ZA PODNOŠENJE PRIJAVA

Kandidati su dužni prijavu i dokumente o ispunjavanju općih i posebnih uslova traženih ovim Javnim oglasom dostaviti u roku od 15 dana od dana posljednjeg javnog objavljivanja.

Javni oglas će biti objavljen u “Službenim novinama Federacije BiH”, dnevnim novinama i na web stranici Vlade: <https://vlada.ks.gov.ba/> i Ministarstva: <http://mpu.ks.gov.ba>.

VI – OSTALE NAPOMENE ZA KANDIDATE

Nepotpune, neblagovremene i neuredne prijave na ovaj Javni oglas, kao i prijave sa kopijama tražene dokumentacije o ispunjavanju općih i posebnih uslova koje nisu ovjerene neće se uzeti u razmatranje, te će biti odbačene.

Svi kandidati koji ispunjavaju uslove Javnog oglasa, odnosno svi kandidati koji uđu u uži izbor, biće pozvani na intervju od strane Komisije za izbor, uz mogućnost provjere profesionalnih referenci.

Prijave sa traženim dokumentima dostavljaju se isključivo putem pošte preporučeno, u zatvorenoj koverti, na adresu: Ministarstvo pravde i uprave Kantona Sarajevo – Komisija za izbor, ul. Reisa Džemaludina Čauševića br. 1, 71 000 Sarajevo, sa naznakom na koverti:

“PRIJAVA NA JAVNI OGLAS – VANJSKI EKSPERTI – SAVJET ZA ELEKTRONSKU UPRAVU – NE OTVARAJ”.

MINISTRICA

Darja Softić Kadenić